

**Dahlia Janan PhD**

dahlia@fbk.upsi.edu.my

Profesor Madya Dr Dahlia Janan dilahirkan di Ipoh, Perak. Berpengalaman sebagai pendidik selama sekitar 23 tahun. Beliau pernah mengajar di sekolah rendah selama hampir lima tahun dan mengajar di sekolah menengah hampir empat tahun. Beliau mula bertugas di Universiti Pendidikan Sultan Idris pada tahun 2004. Kini, beliau menjawat jawatan sebagai Timbalan Dekan Akademik dan Hubungan Antarabangsa, Fakulti Bahasa dan Komunikasi. Beliau mendapat pendidikan asas perguruan di Institut Perguruan Sultan Idris pada tahun 1990 dan melanjutkan pelajaran dalam bidang pendidikan ini di Universiti Pendidikan Sultan Idris (UPSI), Tanjung malim, Perak pada tahun 1997 dan 2000. Ketika berkhidmat sebagai pensyarah di UPSI, beliau ditawarkan untuk melanjutkan pelajaran ke University of Warwick, United Kingdom. Di penghujung pengajian kedoktoran, beliau telah memenangi hadiah tesis PhD terbaik seluruh United Kingdom bagi bidang literasi yang dianugerahkan oleh United Kingdom Literacy Assosiation, 2012. Bidang kepakaran Profesor Madya Dr. Dahlia Janan, ialah proses membaca dan pedagogi dalam literasi; kebolehbacaan dan pendekatan inovatif untuk menilai kesukaran dan kerumitan teks dan kajian perbandingan dalam proses bacaan dan literasi. Kini, beliau juga sedang meneroka bidang penyelidikan kurikulum bahasa, penyelidikan penilaian dan pengukuran bahasa serta inovasi dalam pembinaan bahan bantuan mengajar untuk Bahasa Melayu sebagai bahasa asing.

### **Fadilah Isnin PhD**

fadilah\_isnin@schools.gov.sg

Dr Fadilah Isnin mendapat ijazah Sarjana Muda Pengajian Melayu pada tahun 2002 daripada Universiti Malaya. Pada tahun 2004, beliau memperoleh Sarjana Pengajian Melayu diikuti dengan ijazah Doktor Falsafah pada tahun 2011 daripada universiti yang sama. Dr Fadilah mempunyai pengalaman mengajar di sekolah rendah dan menengah. Beliau juga pernah bertugas sebagai Pegawai Perancang Kurikulum di Bahagian Perancangan dan Pembangunan Kurikulum selama lima tahun dan sebagai Ketua Jabatan Bahasa-bahasa Asia sebelum dilantik sebagai Guru Pakar pada tahun 2010. Pada tahun 2014 beliau dilantik sebagai Pengetua Guru Pakar. Dr Fadilah mempunyai pengalaman dalam pembinaan kurikulum dan bahan pengajaran sekolah rendah dan menengah. Kini Dr Fadilah membina bahan dan menjalankan program pembangunan profesional bagi guru Bahasa Melayu. Beliau berminat dalam perkembangan literasi awal murid dan telah mengusahakan beberapa kajian berkaitannya. Beliau juga telah membina bahan bagi program intervensi literasi asas untuk membantu murid yang mempunyai masalah membaca.

## **Mohamed Noh Daipi**

mohamed\_noh\_daipi@schools.gov.sg

Encik Mohamed Noh Daipi mula bertugas dalam perkhidmatan pendidikan pada tahun 1983. Beliau pernah bertugas sebagai guru Bahasa Melayu di dua buah maktab rendah dan sebuah sekolah menengah sebelum bertugas di Kementerian Pendidikan sebagai Nazir Khas Bahasa Melayu pada tahun 1990. Selanjutnya, beliau bertugas sebagai Pegawai Kurikulum di Kementerian Pendidikan dan Penolong Pengetua di Sekolah Menengah Dunman. Pada tahun 2002, beliau bertugas sebagai Penolong Pengarah, Bahagian Perancangan dan Pembangunan Kurikulum (CPDD), Kementerian Pendidikan Singapura. Sejak penubuhan Pusat Bahasa Melayu Singapura (MLCS), Kementerian Pendidikan pada tahun 2010, beliau merangkap tugas Pengarah Pusat MLCS. Bermula dari tahun 2014, beliau bertugas sepenuh masa di MLCS setelah melepaskan tugas beliau di CPDD. Tugas yang disandang kini lebih fokus kepada pembinaan keupayaan guru melalui program pembangunan profesional termasuk menganjurkan kursus, seminar, sesi perkongsian profesional, persidangan serantau dan program penyerapan bagi guru. MLCS juga aktif membina bahan-bahan pengajaran dan pembelajaran secara kreatif bagi memperkaya kurikulum Bahasa Melayu.

## **Norliza Jamaluddin PhD**

[norliza@fbk.upsi.edu.my](mailto:norliza@fbk.upsi.edu.my)

Dr Norliza Jamaluddin ialah Pensyarah Kanan di Fakulti Bahasa dan Komunikasi, Universiti Pendidikan Sultan Idris (UPSI), Tanjung Malim, Perak. Beliau mendapat Ijazah Sarjana Muda Sastera dengan Kepujian daripada Universiti Malaya. Setelah itu, beliau melanjutkan pengajian pada peringkat Sarjana di Akademi Pengajian Melayu, Universiti Malaya dalam bidang Leksikografi. Setelah beberapa tahun bertugas di UPSI, beliau menyambung semula pengajiannya pada peringkat Ijazah Doktor Falsafah juga di Universiti Malaya, iaitu di Fakulti Bahasa dan Linguistik. Bidang yang diteliti pada peringkat tersebut ialah bidang tatabahasa dengan tumpuan khusus terhadap kata sifat bahasa Melayu yang berasaskan data korpus berkomputer. Pada tahun 2015, beliau telah melakukan kajian pascakedoktoran di Universiti Lancaster, United Kingdom selama setahun juga dalam bidang tatabahasa berasaskan data korpus berkomputer. Minatnya yang mendalam terhadap bidang ini telah membolehkan beliau menghasilkan sebuah buku *Perlakuan Kata Sifat Bahasa Melayu Berasaskan Data Korpus Berkomputer* pada tahun 2015. Kini beliau banyak melakukan kajian dan menulis kertas kerja dan jurnal dalam bidang tatabahasa dan linguistik korpus.

## **Rahmat Subadah**

rahmat\_subadah@ schools.gov.sg

Encik Rahmat Subadah meraih ijazah Sarjana Muda pada tahun 1987 daripada Universiti Nasional Singapura. Beliau memulakan kerjaya sebagai guru setelah memperoleh diploma pascasiswazah dari Institut Pendidikan Nasional Singapura/ Universiti Teknologi Nanyang pada tahun 1996. Beliau memperoleh Sarjana Pendidikan pada tahun 2006. Beliau pernah bertugas sebagai Pegawai Perancang Kurikulum di Bahagian Perancangan dan Pembangunan Kurikulum, Kementerian Pendidikan selama lima tahun. Selepas itu beliau bertugas sebagai Ketua Subjek Bahasa Melayu di Sekolah Menengah CHIJ St Joseph's Convent pada tahun 2009. Pada tahun 2011, Encik Rahmat mula bertugas sebagai Guru Pakar di Pusat Bahasa Melayu Singapura, Kementerian Pendidikan. Antara bidang yang amat diminati beliau ialah aspek pedagogi, penilaian dan penggunaan ICT dalam pengajaran dan pembelajaran Bahasa Melayu.

## **Samsudin Suhaili PhD**

samsudin@fsk.upsi.edu.my

Dr Samsudin Suhaili kelahiran Sibuloh, Sarawak bertugas di Universiti Pendidikan Sultan Idris (UPSI) sejak tahun 2001. Kini beliau bertugas sebagai Pensyarah kanan di Jabatan Pengajian Kemasyarakatan dan Kewarganegaraan, Fakulti Sains Kemanusiaan, UPSI. Beliau juga pernah terlibat dalam pengurusan fakulti sebagai Ketua Jabatan 2012-2013 dan Timbalan Dekan Akademik dan Pembangunan Pelajar (2013-2015). Dr Samsudin memperoleh ijazah sarjana muda di Universiti Malaya dalam bidang Pengajian Melayu dan Sejarah pada tahun 1994 diikuti Sarjana Sastera pada 2001 seterusnya ijazah Doktor Falsafah di Universiti Kebangsaan Malaysia pada 2012. Antara hasil penyelidikan beliau ialah Penggunaan Kamus Di Kalangan Pelajar Menengah Rendah: Satu Tinjauan Awal (2002), Dasar Bahasa Kebangsaan: Perubahan Dan Pelaksanaan Bahasa Melayu Sebagai Bahasa Ilmu Dalam Pendidikan (2003) dan Mereka Bentuk Model Pengajaran Pendidikan Pelbagai Budaya (*Multi/Intercultural Educational*) Dalam Kurikulum Dan Pengajaran Mata Pelajaran Teras Ke Arah Mempertingkatkan Toleransi Dan Perpaduan Kaum Di Kalangan Pelajar Di Sekolah Kebangsaan (2012). Pada penghujung tahun 2015 Dr Samsudin meneruskan penyelidikan di Lancaster University, United Kingdom dalam subbidang *Multicultural Education* di peringkat pendidikan tinggi di Malaysia bersama-sama dengan sekumpulan pakar penyelidik di universiti tersebut.

## **Siti Faridah Omar**

siti\_faridah\_omar@schools.gov.sg

Puan Siti Faridah Omar telah berkhidmat dalam bidang pendidikan selama 25 tahun. Beliau memulakan kerjaya dengan mengajar selama 7 tahun di Sekolah Rendah West Lake dan Sekolah Rendah North View. Kemudian, setelah menamatkan pengajian di peringkat Sarjana Muda, beliau telah ditugaskan mengajar di Sekolah Menengah Woodgrove selama 13 tahun. Beliau pernah bertugas sebagai Ketua Jabatan Bahasa Ibunda selama 14 tahun. Beliau mendapat ijazah Sarjana Muda Pengajian Melayu pada tahun 2000 daripada Universiti Malaya, dan menamatkan pengajian di peringkat Sarjana Pendidikan (Bahasa Melayu) di Institut Pendidikan Nasional, Universiti Teknologi Nanyang pada tahun 2013. Siti Faridah juga telah berkhidmat sebagai Ketua Kelompok bagi Zon Utara 5 dan Zon Utara 7 sepanjang penglibatan beliau di peringkat sekolah. Pada 2014, beliau telah bertugas sepenuh masa sebagai Pegawai Jurulatih di Pusat Bahasa Melayu Singapura, Kementerian Pendidikan. Beliau telah menjalankan pelbagai kursus untuk para guru, membuat beberapa perkongsian profesional yang berkaitan dengan strategi pengajaran dan penilaian di peringkat sekolah, zon, nasional dan di persidangan serantau. Pada tahun 2016, Puan Siti Faridah Omar menjawat jawatan Guru Pakar di Pusat Bahasa Melayu Singapura.